

1. मुख्यमंत्री उमर अब्दुल्ला होरें आखेआ जे आरक्षण सरबन्धी कैबिनेट दी उप कमेटी गी अपनी रिपोर्ट जमा करोआने लेई 6 महीने दा समां दित्ता गेआ ऐ।
2. विधानसभा दे कम्मकाज मुतल्लक कमेटी दी इक बैठक मजूदा बजट सत्र दे कैलेंडी बारे चर्चा होई।
3. जावेद अहमद डार होरें आखेआ जे 2021 मगरा 9 लक्ख 58 जहार स्वयं रोजगार दे मौके पैदा कीते गे न।
4. मुख्य सचिव होरें यूटीएलएससी दी पैहली बैठक दी अध्यक्षता कीती ते 200 नमियां ई—बसां हासल करने सरबन्धी तौर तरीके ते कम्मकाज दा जायजा लैता।
5. महिला प्रिमियर लीग दे फाइनल मकाबले च मुंबई इंडियन्स नै दिल्ली कैपिटल्स गी हराइयै दूई बारी खताब अपने नां कीता।

<><><><><><>

मुख्यमंत्री उमर अब्दुल्ला होरें आखेआ जे आरक्षण सरबंधी मामले लेई खडेरी गेदी कैबिनेट दी उप-कमेटी गी 6 महीनें दा समां दित्ता गेआ ऐ अपनी रिपोर्ट जमा करोआने आस्तै। एह गल्ल मुख्यमंत्री होरें इच्छुक मेदवारें दे समूह कन्नै मलाटी करने मगरा आक्खी। सोशल मीडिया मंच एक्स पर पाई दी इक पोस्ट च मुख्यमंत्री होरें साफ कीता जे पैहले आले आदेश च समें सीमा बारे सटीक जानकारी नेई ही, पर हुन एह साफ ऐ जे कमेटी गी अपनी रिपोर्ट जमा करोआने लेई 6 महीने दा समां दित्ता गेआ ऐ। उनें आखेआ जे पैहले आले आदेश च रेई गेदी कमिएं खामिएं गी हुन दूर कीता गेआ ऐ। उप-कमेटीअपना कम्म करा'रदी ऐ ते कम्म समें सीमा दे अंदर सबूरा होग। एहदे थमां पैहले जम्मू कश्मीर सरकार नै विधानसभा च जानकारी दित्ती ही जे त्रै मिंबरी उप-कमेटी गी अपनी रिपोर्ट जमा करोआने लेई कोई समें सीमा नेई दित्ती गई ऐ। समाज कल्याण मंत्री सकीना इत्तू होरें एह जानकारी पीपुल्स कांफ्रेंस दे विधायक सज्जाद गनी लोन हुंदे आस्सेआ पूछे गेदे सुआले दे परते च दित्ती। उनें कमेटी गी 6 महीने दी समें सीमा दित्ते जाने बारे सुआल पट्टेआ।

<><><><><><>

जम्मू कश्मीर विधानसभा दे स्पीकर अब्दुल रहीम राथर हुंदी अध्यक्षता च कल विधानसभा दे कम्मकाज मतल्लक सलाहकार कमेटी दी बैठक लग्गी। इस दरान चला'रदे बजट सत्र दे शुरूआती कैलेंडर बारे चर्चा कीती गई। बैठक च विपक्ष दे नेता सुनील कुमार शर्मा, विधायक अली मोहममद सागर, मुबारक गुल, मोहम्मद यूसुफ तारीगामी, गुलाम अहमद, मीर मोहम्मद फेयाज ते चौधरी मोहम्मद अकरम होरें हिस्सा लैता। इस दरान इनें सब्बनें सत्र लेई अपने अपने सुझाह दित्ते तां जे इस बजट इजलास गी होर बेहतर बनाया जाई सकै। जेकएलए दे सचिव मनोज कुमार पंडित ते विधानसभा सचिवालय दे वरिष्ठ अफसर इस मौके पर उत्थें मजद हे।

<><><><><><>

राई-बाई दी पैदावार सरबन्धी मंत्री जावेद अहमद डार होरें आखेआ ऐ जे पिछले 4 बरें दरान जनवरी 2025 तगर बक्ख-बक्ख स्कीमें जियां मुमकिन, तेजस्वनी, प्रधानमंत्री रोजगार सृजन प्रोग्राम ते ग्रामीण रोजगार सृजन प्रोग्राम तैहत् 9 लक्ख 58 जहार स्वयं रोजगार ते आजीविका दे मौके पैदा कीते गे न। एह परता मंत्री होर मुखमंत्री उमर अब्दुल्ला हुंदे तरफा दित्ता। मुबारक गुल होरें इस बारे ई सुआल पट्टेआ हा ते ओहदे परते च एह सारी जानकारी दित्ती गई। मंत्री होरें

आखेआ जे बे-रोजगारी दी दर केन्द्र शासत प्रदेश च बड़ी तेजियांकनै नेइ बधी ऐ। 2019-20 एह 6.7 फीसद दी ते 2023-24

<><><><><><>

CS e-Buses

मुख्य सचिव अटल डुल्लू होरें केन्द्र शासत प्रदेश सतह दा स्टोरिंग कंपनी दी पैहली पैहली बैठक दी अध्यक्षता कीती। इस दरान घरें मकानें ते शेहरी विकास सरबन्धी मैहकमे आस्सेआ नमीं 200 ई-बसें दे औने लेई कीते गेदे तौर तरीके पर चर्चा कीती। एह बसां वीएम ई-बस सेवा राएं जम्मू ते श्रीनगर लेई आवा'रदियां न। एह बसां सार्वजनिक ते निजी भ्याली आले मॉडल कन्नै केन्द्रीय सहायता कन्नै चलगंन। 10 ब'रे लेई जम्मू च इनें गी चलाने लेई 628 करोड़ रपे दा खर्च औग ते श्रीनगर लेई एह खर्च 686 करोड़ होग।

<><><><><><>श

Kathua Missing(byte)

कठुआ पुलस जिले दे राजबाग इलाके थमां लापता होए दे दऊं नाबालगजागतें गी ढूढने च कामयाबी हासल कीती ऐ। पुलसै दावा कीता ऐ जे 28 फरवरी गी माल चराने गेदे एह दऊं जागत जिंदे च 14 ब'रे दी दीन मोहम्मद ते 11 ब'रे दा रहमत अली शामिल न, लापता होई गेहे, जिनेंगी ढंडीयै उंदे परोआर आलें गी सौंपी दित्ता गेआ ऐ। इस बारे इक प्रेस कांफ्रेंस च जानकारी दिंदे होई एसएसपी कठुआ शोभित सेक्सेना होरें आखेआ.....बाईट

<><><><><><>

Jammu Marathon 2025(byte)

जम्मू कश्मीर पुलस आस्सेआ अज्ज बडलै जम्मू च "रन फॉर फन" "जम्मू मैराथन" 2025 दा सरिस्ता कीता गेआ। अपने सिविक एक्शन कार्यक्रम तैहत आयोजित एह मैराथन जम्मू दे गुलशन ग्राउंड थमां शुरू होई जेहदे च बक्ख-बक्ख वर्गें ते श्रेणिएं च बक्ख-बक्ख उमरी दे लोकें शिरकत कीती। मैराथन दिएं श्रेणिएं च 21 किलोमीटर दी द्रौड़ हॉफ मैराथन, 10 किलोमीटर दी द्रौड़ जेहदे च पुरुष, महिला, हौली उमरी दे जागतें ते बड्डी उमरी दे लोकें दियां श्रेणियां हियां, च बी लोकें उत्साह कन्नै हिस्सा लैता। एहदे इलावा रन फॉर फन श्रेणी च सब्बने लेई 2 किलोमीटर लम्मी इक सांझी द्रौड़ बी शामिल ही। इस आयोजन च कोई 3 ज्हार लोकें हिस्सा लैता। जम्मू शेहरा च एहदे चलदे खूब रोनक ते उत्साह आला माहौल दिक्खने गी लब्भा। अपनी अपनी द्रौड़ मुकम्मल करियै लोक गुलशन ग्राउंड पुज्जना शुरू होई गेदे न जित्थें हुनै कोला किश चिर मगरा बक्ख-बक्ख श्रेणिएं च जेतुएं गी पुरस्कार दित्ते जांगन। बडलै मैराथन गी झंडी दस्सियै रवाना करदे होई जम्मू कश्मीर आमर्ड पुलस दे एडीजीपी आनंद जैन होरें आखेआ.....बाईट

<><><><><><>

WPL

महिला प्रीमियर लीग क्रिकेट दे फाइनल च कल रातीं मुंबई रू मुंबई इंडियन्स नै दिल्ली कैपिटल्स गी 8एं रंजें कन्नै रिाइयै दऊं बारी खिताब जित्ती लैता ऐ। दिल्ली कैपिटल्स दा एह फाइनल च लगातार त्रीह हार ऐ। मुंबई इंडियन्स नै पैहले बल्लेबाजी करदे होई तैहशुदा 20एं ओवरें च 7 विकटें दे नुक्सान च 149 रंज बनाए। हरमनप्रीत कौर नै 44 गेदें च 66 रंज दी शानदार पारी खेड्डी। परते च दिल्ली कैपिटल्स दी टीम 9 विकटां मोआइयै 141 रंज गै बनाई सकी। हरमनप्रीत कौर गी प्लेयर ऑफ द मैच दा खिताब दित्ता गेआ ते नेट सिवर ब्रंट गी प्रतियोगिता दा सब्बनपे शा महत्वपूर्ण खडारी चुनेआ गेआ।

<><><><><><>

Padma Awards

अगले ब'रे गणतंत्र दिवस दे मौके उप्पर घोषत होने आले पद्म पुरस्कार 2026 आस्तै ऑनलाइन नामांकन शुरू होइ गे न। नामांकन दी खीरी तरीक 31 जुलाई 2025 ऐ। पद्म पुरस्कारें लेई नामांकन ते सफारिशां छड़े राष्ट्री पुरस्कार पोर्टल उप्पर ऑनलाइन स्वीकार कीते जांगन। पद्म पुरस्कार पद्मविभूषण, पद्म भूषण ते पद्मश्री देसै दे सर्वोच्च नागरिक सम्मान च

शामल न। इनें पुरस्कारें उत्कृष्ट कर्में गी सम्मानत करदे न। पद्म पुरस्कार कला, साहित्स ते शिक्षा, खेड्ड, चिकित्सा, समाज सेवा, विज्ञान एंव इंजीनियरिंग, लोक कार्य, सिविल सेवा, बपार एंव उद्योग, आदि आंगर सारें क्षेत्रें च आसाधारण उपलब्धिएं ते सेवा लेई दित्ता जंदे न।

<><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” इस बारी 30 मार्च गी देश विदेश च रौहने आले श्रोताएं कन्नै बचार सांझे करगंन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एह 120मीं किश्त होग। कार्यक्रम च शामिल करने लेई लोक अपने बचार ते सुझाह 28 तरीक तगर टोल फ्री नंबर 1800—11—7800 पर भेजी सकदे न। एहदे इलावा लोक अपने बचार My Gov ते नरेन्द्र मोदी ऐप पर बी भेजी सकदे न। एह कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहग। एहदे कन्नो कन्नी एहदा सिद्धा प्रसारण ए.आई.आर न्यूज, डीडी न्यूज, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाग। आकाशवाणी जम्मू पर मन की बात दे तुरत मगरा एहदा डोगरी च अनुवाद प्रसारत कीता जाग। एहदा डोगरी अनुवाद तुस रातीं 8 बजे इक बारी परतियै सुनी सकदे ओ।

<><><><><><>